



სსიპ საქართველოს ადვოკატთა ასოციაციის
აღმასრულებელი საბჭოს
2021 წლის 1-ლი აპრილის
ს ხ დ ო მ ი ს ო ქ მ ი

სსიპ საქართველოს ადვოკატთა ასოციაცია
ადგილმდებარეობა: თბილისი, ძმები ზუბალაშვილების ქ.11
სხდომის დაწყების დრო: 18:00

დისტანციურ სხდომაში (Webex პლატფორმის გამოყენებით) მონაწილე
აღმასრულებელი საბჭოს წევრები: დავით ასათიანი (თავმჯდომარე), მარიამ
კუბლაშვილი, ტარიელ კაკაბაძე, მამუკა ნოზაძე, ნათია კორკოტაძე, ზურაბ
როსტიაშვილი, გიორგი ტურაზაშვილი და გიორგი თევზაძე.

საკითხი 1. ასოციაციაში გაწევრიანება.

წევრები გაეცნენ:

(ა) ლანა სამადაშვილის განცხადებას გაწევრიანების შესახებ. მათ მიეწოდათ ინფორმაცია, რომ განმცხადებელმა საადვოკატო სტაჟირება დაიწყო 2019 წლის 1-ელ იანვრამდე და მის მიერ წარმოდგენილი დოკუმენტები შესაბამისობაშია „ადვოკატთა შესახებ“ საქართველოს კანონის 2019 წლის 1-ელ იანვრამდე მოქმედი რედაქციის მე-10 მუხლისა და მე-16 მუხლის მოთხოვნებთან. ამასთან, “პროფესიული ადაპტაციის პროგრამის“ დებულების 15.2. მუხლის შესაბამისად, ადაპტაციის პროგრამის გავლის ვალდებულება არ ვრცელდება იმ პირებზე, რომლებმაც ადვოკატთა ასოციაციას მიმართეს განცხადებით გაწევრიანების თაობაზე ან „ადვოკატთა შესახებ“

საქართველოს კანონის მე-16 მუხლით განსაზღვრული მოთხოვნის შესაბამისად დაიწეს საადვოკატო სტაჟირება 2019 წლის 1-ელ იანვრამდე.

წევრები გაეცნენ წარმოდგენილ განცხადებას და თანდართულ დოკუმენტებს. აღნიშნულ საკითხზე ღია კენჭისყრის შედეგად ერთხმად მიღებულ იქნა გადაწყვეტილება: დაკმაყოფილდეს ლანა სამადაშვილის განცხადება ასოციაციაში გაწევრიანების შესახებ.

(ბ) მარიამ ჭინჭარაულის განცხადებას გაწევრიანების შესახებ. წევრებს მიეწოდათ ინფორმაცია, რომ მარიამ ჭინჭარაულს წარმოდგენილი ჰქონდა „ადვოკატთა შესახებ“ საქართველოს კანონის მე-10 მუხლის, 1-ლი პუნქტის „გ“ ქვეპუნქტის თანახმად, პროფესიული ადაპტაციის პროგრამის სრული, ერთწლიანი კურსის გავლის დამადასტურებელი სერტიფიკატი და გაწევრიანებისთვის საჭირო ყველა დოკუმენტი. შესაბამისად, მარიამ ჭინჭარაულის განცხადება თანდართული დოკუმენტებითურთ აკმაყოფილებს „ადვოკატთა შესახებ“ საქართველოს კანონის მე-10 მუხლის მოთხოვნებს.

წევრები გაეცნენ წარმოდგენილ განცხადებებს და დოკუმენტებს. აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება: დაკმაყოფილდეს მარიამ ჭინჭარაულის მიერ წარმოდგენილი განცხადება ადვოკატთა ასოციაციაში გაწევრიანების თაობაზე.

საკითხი 2. ასოციაციაში ხელახალი გაწევრიანება.

წევრები გაეცნენ მარიამ კეკელაშვილის, ირმა ნოზაძის და თამარ კაბოსნიძის განცხადებებს ასოციაციაში ხელახალი გაწევრიანების თაობაზე. წევრებს მიეწოდათ ინფორმაცია, რომ აღნიშნული პირების მიერ წარმოდგენილ განცხადებებს თან ერთვის ყველა საჭირო დოკუმენტი და შესაბამისობაშია „ადვოკატთა შესახებ“ საქართველოს კანონის მე-10 მუხლის მოთხოვნებთან.

აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება: „ადვოკატთა შესახებ“ საქართველოს კანონის მე-10 მუხლის

თანახმად, დაკმაყოფილდეს მარიამ კეკელაშვილის, ირმა ნოზაძის და თამარ კაბოსნიძის მიერ წარმოდგენილი განცხადებები ასოციაციაში ხელახლა გაწევრიანების თაობაზე.

საკითხი 3. წევრობის შეჩერების შესახებ განცხადებების განხილვა.

წევრები გაეცნენ “ადვოკატთა შესახებ” საქართველოს კანონის 21² მუხლის, პირველი პუნქტის, „ა“ ქვეპუნქტის თანახმად ია კობრიძის, სერგო ფარეიშვილის და საწევრო დავალიანების მქონე - ბექა პატარაიას, ირინა ადეიშვილის, ლანა მამფორიას, ალექსი მარიამიძის, ზეინაზ კვიციანიძის, მაგული ბრეგვაძის განცხადებებს წევრობის შეჩერების შესახებ.

წევრებმა განაცხადეს, რომ ჩამოთვლილ პირთაგან, რომელთაც ასოციაციის წესდების 29-ე მუხლის, 29.3 პუნქტის თანახმად, 2020 წლის საწევრო აქვთ გადასახდელი, ეცნობოთ, რომ “ადვოკატთა შესახებ” საქართველოს კანონის 21² მუხლის, პირველი პუნქტის, „ა“ ქვეპუნქტის თანახმად, აღმასრულებელი საბჭო ვალდებულია მიიღოს გადაწყვეტილება ადვოკატისთვის წევრობის შეჩერების შესახებ. თუმცა წევრობის შეჩერება მანამდე არსებული დავალიანების გაუქმების საფუძველი არ არის და ამავე კანონის 21³ მუხლის პირველი პუნქტის, “ზ” ქვეპუნქტის თანახმად, საწევრო გადასახადის გადაუხდელობის შემთხვევაში, პირს შეუწყდება ასოციაციის წევრობა. გარდა ამისა, აღნიშნულ საკითხთან დაკავშირებით, არსებობს 2012 წლის 30 მაისის ადვოკატთა ასოციაციის აღმასრულებელი საბჭოს გადაწყვეტილება, რომლის თანახმად: “საწევრო დავალიანების მქონე პირს, რომელიც მომართავს ასოციაციას პირადი განცხადებით, წევრობის შეჩერების შესახებ, „ადვოკატთა შესახებ“ საქართველოს კანონის, 21² მუხლის, 1-ლი პუნქტის (ადვოკატს ადვოკატთა ასოციაციის წევრობა შეუჩერდება ამ კანონის 21³ მუხლის მე-2 პუნქტით დადგენილი წესით, ასოციაციის აღმასრულებელი საბჭოს გადაწყვეტილებით), „ა“ ქვეპუნქტის (პირადი განცხადების საფუძველზე) თანახმად, დაუკმაყოფილდეს განცხადება წევრობის შეჩერების შესახებ; თუმცა წევრობის შეჩერება არ გახდება უკვე არსებული საწევრო დავალიანებისგან გათავისუფლების საფუძველი, რომლის გადახდის ვალდებულება პირს წევრობის შეჩერებამდე, ადვოკატთა ასოციაციის წესდების 29-ე მუხლის, 29.3 პუნქტის (ყოველი მომდევნო წლის საწევრო შენატანის გადახდა ხდება ყოვეწლიურად, მიმდინარე წლის 31 დეკემბრამდე) თანახმად წარმოეშვა. საწევრო დავალიანების გადაუხდელობის შემთხვევაში, უფლებამოსილება შეჩერებულ ადვოკატს, “ადვოკატთა შესახებ” საქართველოს კანონის, 21³ მუხლის, პირველი

პუნქტის (ადვოკატს ადვოკატთა ასოციაციის წევრობა შეუწყდება), „ზ“ ქვეპუნქტის (თუ არ იხდის საწევრო გადასახადს) თანახმად, შეუწყდება ასოციაციის წევრობა“.

აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება: „ადვოკატთა შესახებ“ საქართველოს კანონის, 21² მუხლის, 1-ლი პუნქტის, „ა“ ქვეპუნქტის თანახმად, დაკმაყოფილდეს განმცხადებელთა მოთხოვნები წევრობის შეჩერების თაობაზე. ამასთან, 2021 წლის საწევრო დავალიანების მქონე პირებს - ბექა პატარაიას, ირინა ადეიშვილს, ლანა მამფორიას, ალექსი მარიამიძეს, ზეინაზ კვიციანიძეს და მაგული ბრეგვაძეს ეცნობოთ ინფორმაცია მათ მიმართ არსებული საწევრო დავალიანების და 2012 წლის 30 მაისის აღმასრულებელი საბჭოს გადაწყვეტილების შესახებ, აგრეთვე ეცნობოთ იმის შესახებ, რომ დავალიანების გადაუხდელობის შემთხვევაში მათ შეუწყდებათ ასოციაციის წევრობა.

საკითხი 4. ეთიკის კომისიის კანონიერ ძალაში შესული გადაწყვეტილების აღსრულების საკითხის განხილვა ადვოკატ გილერ ენდელაძის მიმართ.

წევრები გაეცნენ ასოციაციის ეთიკის კომისიის მომართვას, რომლის თანახმად, ეთიკის კომისიამ ადვოკატ გილერ ენდელაძის (სიითი N3265) მიმართ 2020 წლის 14 თებერვლის საქმეზე N034/17 მიიღო გადაწყვეტილება საადვოკატო საქმიანობის უფლების 6 (ექვსი) თვის ვადით ჩამორთმევის თაობაზე. ადვოკატს ეთიკის კომისიის გადაწყვეტილება ჩაბარდა 2020 წლის 2 ნოემბერს. ადვოკატმა გადაწყვეტილება არ გაასაჩვრა და იქიდან გამომდინარე, რომ გავიდა „ადვოკატთა შესახებ“ საქართველოს კანონის 35¹ მუხლით გათვალისწინებული დისციპლინური სახდელის გასაჩივრების ვადა, გადაწყვეტილება შესულია კანონიერ ძალაში.

წევრებმა განაცხადეს, რომ „ადვოკატთა შესახებ“ საქართველოს კანონის 26-ე მუხლის მე-7 პუნქტის „მ“ ქვეპუნქტის მიხედვით, საქართველოს ადვოკატთა ასოციაციის აღმასრულებელი საბჭო „აღასრულებს საქართველოს ადვოკატთა ასოციაციის საერთო კრების, ეთიკის კომისიისა და სარევიზიო კომისიის გადაწყვეტილებებს“.

ადვოკატთა ასოციაციის ეთიკის კომისიის 2020 წლის 14 თებერვლის საქმეზე N034/17 მიღებული გადაწყვეტილების თანახმად, ადვოკატ გილერ ენდელაძის (სიითი N3265) მიმართ საადვოკატო საქმიანობის უფლების 6 (ექვსი) თვის ვადით ჩამორთმევის თაობაზე საკითხზე ღია კენჭისყრის შედეგად (მომხრე - 8, წინააღმდეგი - 0), ერთხმად იქნა მიღებული გადაწყვეტილება:

„ადვოკატთა შესახებ“ საქართველოს კანონის 26-ე მუხლის მე-7 პუნქტის „მ“ ქვეპუნქტის თანახმად, აღსრულდეს ადვოკატთა ასოციაციის ეთიკის კომისიის 2020 წლის 14

თებერვლის საქმეზე N034/17 მიღებული გადაწყვეტილება და გილერ ენდელაძეს (სიითი N3265) შეუჩერდეს საადვოკატო საქმიანობის უფლება 6 (ექვსი) თვის ვადით.

საკითხი 5. რაფაელ ამბარცუმიანის განცხადების განხილვა საწევრო გადასახადის გადახდის ვალდებულებისგან გათავისუფლების თაობაზე.

წევრები გაეცნენ ადვოკატ რაფაელ ამბარცუმიანის განცხადებას, რომლითაც იგი ითხოვდა 2021 წლის საწევრო გადასახადის ვალდებულებისგან გათავისუფლებას.

წევრებმა განაცხადეს, რომ სამართლებრივი საფუძველის არარსებობის გამო, აღმასრულებელი საბჭო მოკლებულია შესაძლებლობას, იმსჯელოს რაფაელ ამბარცუმიანის განცხადებაში მითითებული მოთხოვნის - საწევროს გადახდისაგან გათავისუფლების თაობაზე.

აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება: სამართლებრივი საფუძველის არარსებობის გამო, არ დაკმაყოფილდეს რაფაელ ამბარცუმიანის განცხადება 2021 წლის საწევრო გადასახადის გადახდის ვალდებულებისგან გათავისუფლების თაობაზე.

საკითხი 6. ლამარა ზაალიშვილის განცხადების განხილვა საწევრო გადასახადის გადანაწილების თაობაზე.

წევრები გაეცნენ ლამარა ზაალიშვილის განცხადებას, რომელშიც მითითებული იყო, რომ მას საპენსიო ასაკი შეუსრულა 2018 წელს და ეკუთვნოდა შესაბამისი საშელავათო საწევრო (წარმოდგენილი იყო შესაბამისი დოკუმენტი), თუმცა 2018 და 2019 წლებში მის მიერ გადახდილი იყო 2019-2020 წლების საწევრო 200-200 ლარი და ითხოვდა აღნიშნული შეღავათის გათვალისწინებით, მომდევნო წლებზე საწევრო გადასახადის გადანაწილებას.

წევრებს მიეწოდათ ინფორმაცია, რომ როგორც საპენსიო ასაკს მიღწეული პირი, განმცხადებელი სარგებლობს აღმასრულებელი საბჭოს მიერ 2019 წლის 31 იანვარს მიღებული გადაწყვეტილებით დადგენილი 50%-იანი საშელავათო საწევროთი. შესაბამისად მის მიერ გადასახდელი წლიური საწევროს რაოდენობა შეადგენს 100 (ასი) ლარს.

წევრებმა განაცხადეს, რომ ლამარა ზაალიშვილის განცხადება ექვემდებარება დაკმაყოფილებას და წარმოდგენილი დოკუმენტის საფუძველზე, ასევე 2018 და 2019 წლებში მის მიერ გადახდილი 400 ლარის გათვალისწინებით, მას 2021 და 2022 წლების საწევრო გადახდილად უნდა ჩაეთვალოს.

აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება:

- დაკმაყოფილდეს ლამარა ზაალიშვილის განცხადება და წარმოდგენილი დოკუმენტის საფუძველზე გადახდილად ჩაეთვალოს 2021 და 2022 წლების საწევრო;
- განმცხადებელს ეცნობოს მიღებული გადაწყვეტილების თაობაზე;
- შესაბამისი ცვლილების ასახვა დაევალოს ასოციაციის ფინანსურ მენეჯერს.

საკითხი 7. ადვოკატთა ასოციაციის პროფესიული ადაპტაციის პროგრამის სტაჟირების ხელმძღვანელი ადვოკატების დამტკიცება.

წევრები გაეცნენ ადვოკატთა ასოციაციის პროფესიული ადაპტაციის პროგრამის სტაჟირების ხელმძღვანელი ადვოკატების კანდიდატურების - მამუკა ზოიძის, მარიამ ლაბარტყავას, თათა ერქვანიას და გურამ ნაკაშიძის განაცხადებებს თანდართული ბიოგრაფიებით. წევრებს მიეწოდათ ინფორმაცია, რომ განმცხადებლები აკმაყოფილებენ პროფესიული ადაპტაციის პროგრამის დებულების 10.1 და 10.2 პუნქტებით დადგენილ მოთხოვნებს.

აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება: დამტკიცდეს ადვოკატთა ასოციაციის პროფესიული ადაპტაციის პროგრამის სტაჟირების ხელმძღვანელ ადვოკატებად მამუკა ზოიძის, მარიამ ლაბარტყავას, თათა ერქვანიას და გურამ ნაკაშიძის კანდიდატურები. გადაწყვეტილების ასახვა სტაჟირების ხელმძღვანელ ადვოკატთა რეესტრში დაევალოს სასწავლო ცენტრის დირექტორს.

საკითხი 8. საიმიგრაციო სამართლის სამუშაო ჯგუფის დებულების დამტკიცება.

აღმასრულებელმა მდივანმა - გიორგი ჭეხანმა საბჭოს წევრებს წარუდგინა საიმიგრაციო სამართლის სამუშაო ჯგუფის დებულება.

საბჭოს წევრები გაცნენ წარმოდგენილ დებულების პროექტს. წევრების მხრიდან განსხვავებული პოზიცია არ გამოთქმულა.

აღნიშნულ საკითხზე ღია კენჭისყრის შედეგად მიღებულ იქნა გადაწყვეტილება:
დამტკიცდეს „საიმიგრაციო სამართლის სამუშაო ჯგუფის“ დებულება სხდომაზე წარმოდგენილი სახით (დანართი 1).

საკითხი 9. ეკატერინე მაჭარაშვილის, გიორგი ჭოჭუას და სოფიო ჯაფარიძის ადვოკატის უფლებათა დაცვის კომიტეტში გაწევრიანების განცხადებების განხილვა.

წევრები გაეცნენ ადვოკატების - ეკატერინე მაჭარაშვილის, გიორგი ჭოჭუას და სოფიო ჯაფარიძის განცხადებებს თანდართული ბიოგრაფიით, ადვოკატის უფლებათა დაცვის კომიტეტში გაწევრიანების თაობაზე.

აღნიშნულ საკითხზე ღია კენჭისყრის შედეგად, ერთხმად მიღებულ იქნა გადაწყვეტილება: დაკმაყოფილდეს ეკატერინე მაჭარაშვილის, გიორგი ჭოჭუას და სოფიო ჯაფარიძის განცხადებები ადვოკატთა ასოციაციის ადვოკატის უფლებათა დაცვის კომიტეტში გაწევრიანების თაობაზე და კომიტეტის დებულების მე-4 მუხლის, 4.4 პუნქტის თანახმად, დამტკიცებულ იქნეს ეკატერინე მაჭარაშვილის, გიორგი ჭოჭუას და სოფიო ჯაფარიძის კანდიდატურები ადვოკატთა ასოციაციის ადვოკატის უფლებათა დაცვის კომიტეტში წევრებად. გადაწყვეტილების აღსრულება დაევალოს საკომიტეტო საქმიანობის, კომუნიკაციისა და ანალიტიკურ საქმეთა დეპარტამენტის უფროსს.

საკითხი 10. თბილისის სააპელაციო სასამართლოს ადმინისტრაციულ საქმეთა პალატის მიერ 2021 წლის 22 იანვარს სანდრო სუბელიანის მიმართ მიღებული, კანონიერ ძალაში შესული გადაწყვეტილების გაცნობა.

წევრები გაეცნენ თბილისის სააპელაციო სასამართლოს ადმინისტრაციულ საქმეთა პალატის 2021 წლის 22 იანვრის სანდრო სუბელიანის მიმართ მიღებულ, კანონიერ ძალაში შესულ გადაწყვეტილებას, რომლის თანახმადაც სანდრო სუბელიანის სააპელაციო საჩივარი დაკმაყოფილდა ნაწილობრივ: ნაწილობრივ ბათილად იქნა ცნობილი საქართველოს ადვოკატთა ასოციაციის 2018 წლის 2, 3, 9, 10, 16 და 17 ივნისს ჩატარებული ადვოკატთა საკვალიფიკაციო გამოცდების შედეგად შემოსული საჩივრების განხილვის მიზნით შექმნილი სამართლის ექსპერტთა ჯგუფის 2018 წლის

20 ივლისის N 01 სხდომის ოქმის გადაწყვეტილება სანდრო სუბელიანის საჩივრის N5429 ტესტის ნაწილში დაკმაყოფილებაზე უარის თქმის თაობაზე და დაევალა ადვოკატთა ასოციაციას ახალი ინდივიდუალური ადმინისტრაციული - სამართლებრივი აქტის გამოცემა სანდრო სუბელიანისთვის N5429 ტესტის ნაწილში ქულის მომატების თაობაზე. ასევე, ასოციაციას დაეკისრა სარჩელზე გადახდილი სახელმწიფო ბაჟის 125 (ას ოცდახუთი) ლარის სანდრო სუბელიანის სასარგებლოდ ანაზღაურება.

აღნიშნულ საკითხზე მსჯელობის შედეგად, ღია კენჭისყრით, ერთხმად იქნა მიღებული შემდეგი გადაწყვეტილება:

- თბილისის სააპელაციო სასამართლოს ადმინისტრაციულ საქმეთა პალატის 2021 წლის 22 იანვრის N3ბ/1709-20 კანონიერ ძალაში შესული გადაწყვეტილება მიღებულ იქნეს ცნობად და გადაწყვეტილების აღსრულების მიზნით, სანდრო სუბელიანს N5429 ტესტის ნაწილში მოემატოს 1 (ერთი ქულა). შესაბამისად, სანდრო სუბელიანის მიერ 2018 წლის 16 ივნისს ადვოკატთა საკვალიფიკაციო გამოცდის შედეგად მიღებული ქულათა რაოდენობა განისაზღვროს 75 ქულით.
- თბილისის სააპელაციო სასამართლოს ადმინისტრაციულ საქმეთა პალატის 2021 წლის 22 იანვრის N3ბ/1709-20 კანონიერ ძალაში შესული გადაწყვეტილების თანახმად, სანდრო სუბელიანს აუნაზღაურდეს გადახდილი სახელმწიფო ბაჟი 125 (ას ოცდახუთი) ლარის ოდენობით.

საკითხი 11. სხვადასხვა

წევრები გაეცნენ:

(ა) ხათუნა თედორაძის დასაბუთებულ განცხადებას, რომლითაც იგი ითხოვდა სტაჟირების ხელმძღვანელი ადვოკატის შეცვლას და ახალი მენტორი ადვოკატის დანიშვნას.

წევრებმა განაცხადეს, რომ პროფესიული ადაპტაციის პროგრამის დებულების მე-11 მუხლის, 11.7 პუნქტის თანხმად, სტაჟიორს, დასაბუთებული განცხადების საფუძველზე, უფლება აქვს უარი განაცხადოს უკვე შერჩეული სტაჟირების ხელმძღვანელ ადვოკატთან სტაჟირების გაგრძელებაზე.

აღნიშნულ საკითხზე მსჯელობის შემდეგ, ერთხმად მიღებულ იქნა გადაწყვეტილება: დაკმაყოფილდეს ხათუნა თედორაძის განცხადება და გადაწყვეტილების შესახებ ეცნობოს განმცხადებელს.

(ბ) ვახტანგ სამადალაშვილის განცხადებას, რომლითაც ითხოვს ადვოკატთა საკვალიფიკაციო გამოცდაზე რეგისტრაციის საფასურისგან განთავისუფლებას. განმცხადებელმა წარმოადგინა დოკუმენტები, რომლის საფუძველზეც ირკვევა, რომ იგი ცხოვრობს ოკუპირებული ტერიტორიების საზღვრის პირა სოფელში და რთული ეკონომიკური მდგომარეობის გამო ვერ ახერხებს გამოცდაზე რეგისტრაციის საფასურის გადახდას.

აღნიშნულ საკითხზე ღია კენჭრისყრის შედეგად, ერთხმად მიღებულ იქნა გადაწყვეტილება: გამონაკლისის წესით დაკმაყოფილდეს ვახტანგ სამადალაშვილის განცხადება 2021 წლის ადვოკატთა საგაზაფხულო საკვალიფიკაციო გამოცდაზე რეგისტრაციის საფასურის გადახდის ვალდებულებისგან გათავისუფლების შესახებ.

(გ) ელენე ფუტყარაიას განცხადებას, რომელშიც აღნიშნული იყო, რომ იგი ირიცხებოდა სოციალურად დაუცველ ოჯახების მონაცემთა ერთიან ბაზაში (თანდართული იყო შესაბამისი დოკუმენტი) და ითხოვდა 2021 წლის ადვოკატთა საგაზაფხულო საკვალიფიკაციო გამოცდაზე რეგისტრაციის საფასური გადახდის ვალდებულებისგან გათავისუფლებას.

აღნიშნულ საკითხზე ღია კენჭრისყრის შედეგად, ერთხმად მიღებულ იქნა გადაწყვეტილება: გამონაკლისის წესით დაკმაყოფილდეს ელენე ფუტყარაიას განცხადება 2021 წლის ადვოკატთა საგაზაფხულო საკვალიფიკაციო გამოცდაზე რეგისტრაციის საფასურის გადახდის ვალდებულებისგან გათავისუფლების შესახებ.

(დ) ლევან დოლონაძის განცხადებას, რომლითაც იგი ითხოვდა სავალდებულო კრედიტ სათებისგან განთავისუფლებას. ადვოკატი ლევან დოლონაძე განცხადებაში უთითებს, რომ იგი ახორციელებს საგანმანათლებლო პედაგოგიურ საქმიანობას არაერთ უნივერსიტეტში, ასევე, გახლავთ სოხუმის სახელმწიფო უნივერსიტეტის ასოცირებული პროფესორი.

აღნიშნულ საკითხზე ღია კენჭრისყრის შედეგად, ერთხმად მიღებულ იქნა გადაწყვეტილება: განგრძობადი იურიდიული განათლების წესების მე-9 მუხლის თანახმად, დაკმაყოფილდეს ადვოკატ ლევან დოლონაძის განცხადება და იგი გათავისუფლდეს 2020 წლის სავალდებულო კრედიტ საათების გავლის ვალდებულებისაგან.

(ე) „სამართლებრივი განვითარების ინსტიტუტის“ მიერ წარმოდგენილ განცხადებას ინსტიტუციური აკრედიტაციის მინიჭების თაობაზე. მათ მიეწოდათ ინფორმაცია, რომ განცხადება თანდართული მასალებით აკმაყოფილებდა აკრედიტაციის წესით დადგენილ მოთხოვნებს.

აღნიშნულ საკითხზე ღია კენჭისყრის შედეგად, ერთხმად მიღებულ იქნა გადაწყვეტილება: დაკმაყოფილდეს „სამართლებრივი განვითარების ინსტიტუტის“ მიერ წარმოდგენილი განცხადება ინსტიტუციური აკრედიტაციის მინიჭების თაობაზე.

აღმასრულებელი საბჭოს სხდომა გამოცხადდა დასრულებულად.

წინამდებარე აქტი და მასში ასახული გადაწყვეტილებები ძალაში შედის ხელმოწერისთანავე. წინამდებარე აქტი გამოქვეყნდეს სსიპ საქართველოს ადვოკატთა ასოციაციის ოფიციალურ ვებ-გვერდზე, მისამართი: www.gba.ge.

წინამდებარე აქტი და მასში ასახული გადაწყვეტილებები შეიძლება გასაჩივრდეს მისი გამოქვეყნების დღიდან ერთი თვის ვადაში თბილისის საქალაქო სასამართლოში (მისამართი: ქალაქი თბილისი, დავით აღმაშენებლის ხეივანი N64).

დავით ასათიანი

თავმჯდომარე